



JAVNA USTANOVA  
ZAVOD ZA ZDRAVSTVENU ZAŠTITU  
ŽENA I MATERINSTVA  
KANTONA SARAJEVO

INSTITUTION FOR HEALTH  
PROTECTION OF WOMEN  
AND MOTHERHOOD  
CANTON SARAJEVO

Broj: 10 – 890 -01/15  
Sarajevo, 07.07. 2015. godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama („Sl. glasnik BiH“, broj 39/14), člana 30. i 39. Statuta JU Zavod za zdravstvenu zaštitu žena i materinstva Kantona Sarajevo, na preporuku Komisije za javne nabavke Zavoda broj: 10-875/1-05/15 od 06.07.2015. godine, u postupku javne nabavke mlijeko i sok za 2015.godinu za potrebe Zavoda dodatana prehrana majki porodilja u otvorenom postupku OP 10-03/15, Direktor Zavoda je donio

## ODLUKU

### o poništenju postupka javne nabavke

#### Član 1.

Poništava se postupak javne nabavke **mlijeko i sok za 2015.godinu za potrebe Zavoda dodatana prehrana majki porodilja u otvorenom postupku OP 10-03/15, u skladu sa članom 69. stav (2) tačka d) Zakona o javnim nabavkama.**

#### Član 2.

Za realizaciju ove odluke zadužuje se administrativno pravna služba.

#### Član 3.

Ova odluka objavit će se na web-stranici Zavoda [www.zzzm.ba](http://www.zzzm.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

#### Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke broj: 10-622-01/15 od 03.06.2015. godine.

Javna nabavka je provedena otvorenim postupkom.

Procijenjena vrijednost javne nabavke bez PDV-a je 204.700,00 KM.

Obavještenje o nabavci broj: 567-1-1-10-3-3/15 poslato je na objavljivanje dana 03.06.2015. godine, a objavljeno je na Portalu javnih nabavki dana 03.06.2015. godine, sažetak obavještenja o nabavci objavljen je u „Sl. glasniku BiH“, broj 45/15 od 08.06.2015. godine.

Komisija za javne nabavke imenovana je Odlukom broj: 10-612-01/15 od 01.06.2015. godine.

Komisija za javne nabavke dostavila je dana 06.07.2015. godine Izvještaj o radu broj: 10-875/1-05/15 od 06.07.2015. godine, Zapisnik sa otvaranja ponuda broj:10-801/1-05/15 od 25.06.2015.



godine i Zapisnik o pregledu i ocjeni ponuda broj: 10-875-05/15 od 06.07.2015. godine i preporuku o poništenju postupka javne nabavke broj: 10-875/2-05/15 od 06.07.2015. godine, u postupku javne nabavke mlijeko i sok za 2015.godinu za potrebe Zavoda dodatana prehrana majki porodilja u otvorenom postupku OP 10-03/15.

U postupku po Izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu kvalifikovanosti ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri);
- da su blagovremeno zaprimljene 3 (tri) ponude;
- da ponude ponuđača **TP DC Sarajevo d.d, Rajlovačka bb, 71000 Sarajevo, Vinojug d.o.o. Igmanska 2-4 71000 Sarajevo** i **Gold Mignon d.o.o, Olimpijska bb, 71000 Sarajevo** nisu prihvatljive iz sljedećih razloga:

- **Ponuđač TP DC Sarajevo, d.d.**

U tenderskoj dokumentaciji u tački 6.1.1. navedeno je sljedeće:

6.1.1. U skladu sa članom 47. ZJN BiH, ponuda ponuđača će biti odbijena:

a) ako mu je račun kod poslovne banke bio blokiran u zadnjih 6 mjeseci od datuma objave obavještenja za predmetnu nabavku;

Tačkom 6.1.2. tenderske dokumentacije je precizirano sljedeće:

6.1.2. Ponuđač treba dostaviti sljedeći dokaz:

a) Fotokopija potvrde poslovne banke da račun nije bio blokiran u zadnjih 6 mjeseci. **Navedena potvrda ne može biti starije od datuma objave obavještenja za predmetnu nabavku.**

Ponuđač je u svojoj ponudi priložio potvrdu poslovne banke da račun nije bio blokiran u zadnjih 6 mjeseci u kojoj je **datum izdavanja naveden 04.05.2015.godine**, a **datum objave obavještenja je 03.06.2015. godine**, iz čega proizilazi da ponuđač nije dostavio traženi dokaz, te je ponuda neprihvatljiva jer ne ispunjava uslove tražene tenderskom dokumentacijom.

- **Ponuđač Vinojug d.o.o.**

U tački 6.1.3. tenderske dokumentacije navedeno je sljedeće:

6.1.3. U skalu sa članom 48. ZJN BiH, ponuda će biti odbijena ukoliko ponuđač:

a.) nema na raspolaganju skladišni prostor koji ispunjava uslove skladištenja roba koje su predmet nabavke, a koji se nalazi na teritoriji Grada Sarajeva, veličine najmanje 50 m2 **koji će ustupiti ugovornom organu i to bez novčane naknade korištenja istog za period trajanja ugovora**, da je fizički odvojen od skladišta dobavljača ako je u sklopu skladišta dobavljača, da ima 24 sata fizičko obezbjeđenje, da ima adekvatan asfaltni pristup istom sa minimalno 15 slobodnih parking mjesta.

Tačkom 6.1.4. tenderske dokumentacije je precizirano sljedeće:

6.1.4. Ponuđač treba dostaviti sljedeći dokaz:

a.) Originalnu izjavu potpisana od strane ovlaštene osobe i ovjerena pečatom ponuđača u kojoj će biti navedeno da ima na raspolaganju skladišni prostor koji se nalazi na teritoriji Grada Sarajeva (navesti tačnu adresu), veličine najmanje 50 m2 **koji će ustupiti ugovornom organu i to bez novčane naknade korištenja istog za period trajanja ugovora**, da je fizički odvojeno od skladišta dobavljača ako je u sklopu skladišta dobavljača, da ima 24 sata fizičko obezbjeđenje, da ima adekvatan asfaltni pristup istom sa minimalno 15 slobodnih parking mjesta.

Ponuđač Vinojug d.o.o., Igmanska 2-4, 71000 Sarajevo u svojoj ponudi priložio je izjavu u kojoj je navedeno da je obezbjeđen poseban skladišni prostor fizički odvojen od skladišnog prostora više od 50 m2, posjeduje fizičko obezbjeđenje same kompanije, posjeduje više od 15 parking mjesta.



Ponudač u izjavi **nije naveo da će skladišni prostor ustupiti ugovornom organu bez novčane naknade korištenja istog za period trajanja ugovora**, iz čega proizilazi da ponudač nije dostavio traženi dokaz, te je ponuda neprihvatljiva jer ne ispunjava uslove tražene tenderskom dokumentacijom.

**- Ponudač Gold Mignon d.o.o.**

U tački 6.1.3. tenderske dokumentacije navedeno je slijedeće:

6.1.3. U skalu sa članom 48. ZJN BiH, ponuda će biti odbijena ukoliko ponudač:

a.) nema na raspolaganju skladišni prostor koji ispunjava uslove skladištenja roba koje su predmet nabavke, a koji se nalazi na teritoriji Grada Sarajeva, veličine najmanje 50 m<sup>2</sup> koji će ustupiti ugovornom organu i to bez novčane naknade korištenja istog za period trajanja ugovora, **da je fizički odvojen od skladišta dobavljača ako je u sklopu skladišta dobavljača**, da ima 24 sata fizičko obezbjeđenje, da ima adekvatan asfaltni pristup istom sa minimalno 15 slobodnih parking mjesta.

Tačkom 6.1.4. tenderske dokumentacije je precizirano slijedeće:

6.1.4. Ponudač treba dostaviti sljedeći dokaz:

a.) Orginalnu izjavu potpisana od strane ovlaštene osobe i ovjerena pečatom ponuđača u kojoj će biti navedeno da ima na raspolaganju skladišni prostor koji se nalazi na teritoriji Grada Sarajeva (navesti tačnu adresu), veličine najmanje 50 m<sup>2</sup> koji će ustupiti ugovornom organu i to bez novčane naknade korištenja istog za period trajanja ugovora, **da je fizički odvojeno od skladišta dobavljača ako je u sklopu skladišta dobavljača**, da ima 24 sata fizičko obezbjeđenje, da ima adekvatan asfaltni pristup istom sa minimalno 15 slobodnih parking mjesta.

Ponudač Gold Mignon doo Sarajevo u svojoj ponudi priložio je izjavu potpisanu od strane ovlaštene osobe i ovjerenu pečatom u kojoj je navedeno da ima na raspolaganju skladište koje se nalazi u Olimpijskoj bb (sjedište firme), veličine 360 m<sup>2</sup>. U sklopu skladišta **imaju izdvojeno skladište veličine 50 m<sup>2</sup>** koje će ustupiti ugovornom organu zbez novčane naknade na korištenje za period trajanja ugovora. Skladište ima 24-satno obezbjeđenje, adekvatan asfaltni pristup preko 15 slobodnih parking mjesta.

U tački 6.1.6. tenderske dokumentacije između ostalog navedeno je slijedeće:

Ugovorni organ, pismenim zahtjevom može tražiti da ponudač omogući:

pregled ponuđenog skladišta koje dobavljač ustupa naručiocu na korišćenje za vrijeme trajanja ugovora.

**Ugovorni organ zadržava pravo da ukoliko utvrdi da skladište koje dobavljač ustupa naručiocu za vrijeme trajanja ugovora ne osigurava kvalitetu, opremljenost i osposobljenost, tj. neispunjava uslove tražene u TD za predmetu nabavke, odbije ponudu kao neprihvatljivu u skladu sa članom 48. ZJN.**

Dana 01.07.2015.godine, u 15,00 sati Komisija za javne nabavke JU Zavod za zdravstvenu zaštitu žena i materinstva Kantona Sarajevu, u skladu sa tačkom 6.1.6., a u vezi sa tačkom 6.1.4. – a) tenderske dokumentacije, izvršit će pregled skladišta ponuđača Gold mignon d.o.o. Sarajevo.

O navedenom obaviješten je ponudač Gold mingnona d.o.o. putem faksa, dana 01.07.2015.godine, u 10,55 sati.

Komisija za javne nabavke JU Zavod za zdravstvenu zaštitu žena i materinstva Kantona Sarajevu, u skladu sa tačkom 6.1.6. – a), a u vezi sa tačkom 6.1.4. – a) Tenderske dokumentacije, dana 01.07.2015.godine, izvršila je pregled skladišta ponuđača Gold mignon d.o.o. te utvrdila da



ponuđač Gold mignon d.o.o posjeduje skladišni prostor, da se isti nalazi na teritoriji Grada Sarajeva, da je prostor koji će ustupiti na korištenje ugovornom organu veći od 50 m<sup>2</sup>, da će skladišni prostor ustupiti bez novčane naknade za period trajanja ugovora, da se skladišni prostor nalazi u sklopu skladišta ponuđača, da skladišni prostor **nije fizički odvojen** od skladišta dobavljača, da ima fizičko obezbjeđenje, te da do skladišta ima adekvatan asfaltni pristup sa minimalno 15 slobodnih parking mjesta, te Komisija dalje konstatuje da se skladišni prostor nalazi u sklopu skladišta ponuđača, a da u trenutku pregleda nije bio fizički odvojen vratima od skladišta ponuđača, iz čega proizilazi da ponuđač nije ponudio adekvatan skladišni prostor, te je ponuda neprihvatljiva jer ne ispunjava uslove tražene tenderskom dokumentacijom.

Nadalje, u postupku ocjene provedenog postupka, Direktor Zavoda nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da ni jedna od primljenih ponuda nije prihvatljiva, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav (2) tačka d) ili stav 3. (navesti osnov za poništenje postupka javne nabavke) Zakona o javnim nabavkama, te članova 30. i 39. Statuta JU Zavod za zdravstvenu zaštitu žena i materinstva Kantona Sarajevo, odlučeno je kao u članu 1. ove odluke.

#### **POUKA O PRAVNOM LIJEKU**

Protiv ove odluke može se izjaviti žalba najkasnije u roku od 10 (deset) dana od dana prijema ove odluke.



Prim. mr. sci. dr. Mithat Kurtović

#### **Dostaviti:**

- Ponuđaču: TPDC Sarajevo d.d, Rajlovačka bb, 71000 Sarajevo
- Ponuđaču: Vinojug d.o.o. Igmanska 2-4 71000 Sarajevo
- Ponuđaču: Gold Mignon d.o.o, Olimpijska bb, 71000 Sarajevo
- Komisiji za javne nabavke
- APS
- a/a